

Ժողովուրդ

39
(2705)

17 մարտի ուրբաթ 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՉԵՐԲԱԿԱԿԵԼ Է ԹՄԲԱՄԻՋՈՑՆԵՐԻ ՀԱՄԱՐ



Ազգային ժողովի «Քաղաքացիական պայմանագիր» խմբակցության քարտուղար Արթուր Յովհաննիսյանը 2017 թվականին բերման է ենթարկվել ոստիկանություն՝ թմրամիջոցների ապօրինի շրջանառության հետ կապված ենթադրյալ հանցանք կատարելու կասկածանքով: Ավելին՝ անզամ քրեական գործ է հարուցված եղել, որը հետագայում կարճվել է: Իսկ ինչի՞ մասին է խոսքը. 2017 թվականի նոյեմբերի 28-ին Արթուր Յովհաննիսյանը իր Nissan March մակ-նիշի ավտոմեքենայով, եւ նրա ուղեւոր, Երեւան քաղաքի Արշակունյաց պողոտայի բնակիչ Գեորգ Սավթայանը բերման են ենթարկվել ոստիկանություն, իսկ նրանց մոտ, ըստ Գ. Շամշ-յանի տեղեկությունների, խուզարկութամբ հայտնաբերվել է 0.24 գրամ կշռով դեղնականաչա-վուն զանգված: Եվ, ահա, «Ժողովուրդ» օրաթերթը փետրվարի 14-ին դիմել էր ՀՀ ներքին գոր-ծերի նախարարության լրատվության վարչություն եւ հարց ուղղել, թե վերոնշյալ գործը ինչ հանգուցալուծում է ստացել, եւ արդյոք մեղադրանք առաջադրված է եղել Արթուր Յովհաննիս-յանին, թե ոչ: Փետրվարի 20-ին ներքին գործերի նախարարությունից ստացել ենք պատաս-խան, որում ասվում է. «28.11.2017թ.-ին Ա. Յ.-ին եւ Գ. Ս.-ն ապօրինի թմրամիջոց պահելու եւ օգ-տագործելու կասկածանքով բերման են ենթարկվել ՀՀ ոստիկանության Քանաքեռ-Զեյթունի բաժին: 05.12.2017թ. ՀՀ քրեական օրենսգրքի 266-րդ հոդվածի 1-ին մասի հատկանիշներով (Իրացնելու նպատակով թմրամիջոցներ, հոգեմետ նյութեր ապօրինի պատրաստելը, վերամ-շակելը, ձեռք բերելը, պահելը, փոխադրելը, առաքելը կամ դրանք ապօրինի իրացնելը պատժ-վում է ազատազրկմամբ՝ երեքից յոթ տարի ժամկետով): հարուցվել է քրեական գործ, եւ նա-խապատրաստված նյութերն ուղարկվել են ՀՀ ՔԿ Երեւան քաղաքի քննչական վարչության Քանաքեռ-Զեյթուն վարչական շրջանի քննչական բաժին»: Այս նույն հարցով դիմեցինք նաեւ քննչական կոմիտե, որից էլ ստացել ենք հետեւյալ պատասխանը. «Քրեական գործով որեւէ անձ քրեական պատասխանատվության չի ենթարկվել, իսկ իրականացված բազմակողմանի, լրիվ եւ օբյեկտիվ քննության արդյունքում 2018 թվականի հունվարի 31-ին որոշում է կայացվել ՀՀ քրեական դատավարության նախկին օրենսգրքի 35-րդ հոդվածի 1-ին մասի երկրորդ կետի՝ արարքում հանցակազմի բացակայության հիմքով քրեական գործով վարույթը կարճելու մա-սին»: Գերատեսչությունների պատասխաններից անհայտ է մնում, թե ինչու է որոշվել գործը կարճել, սակայն փաստ է մեկ բան, որ նա բերման է ենթարկվել թմրամիջոցների ապօրինի շր-ջանառության հետ կապված ենթադրյալ հանցանք կատարելու կասկածանքով (իրացում, վա-ճառք, օգտագործում): «Ժողովուրդ» օրաթերթը եւս մեկ հարցում է ուղարկել՝ փորձելով հաս-կանալ, թե ինչն է դարձել ՔՊ խմբակցության քարտուղար Արթուր Յովհաննիսյանի՝ թմրամիջո-ցների ապօրինի շրջանառության գործը կարճելու որոշման հիմքը: Շարունակելի...

ՔՊ-ականները որոշել են ամեն երեքշաբթի վարչության նիստ անել: Նիստերին մասնակցելու է նաեւ վարչապետ Նիկոլ Փաշինյանը: Վարչության անդամներին նախապես ասվել է, որ այդ օրերին՝ երեկոյան ժամերին, հետաձգեն բոլոր իրենց գործերը, որպեսզի առանց բացառության բոլորը ներկա լինեն նիստերին: ՔՊ-ականները նման որոշում են կայացրել՝ Հայաստանի ու Արցախի շուրջ ստեղծված ծանր իրավիճակը հաշվի առնելով: Բանն այն է, որ ՔՊ-ում էլ շատ լավ գիտակցում են պահի լրջությունը, հասկանում են, որ Հայաստանն ու Արցախը փակուղում են, «մանեւրելու» տեղ այլևս չու-նենք: Իր վերջին ասուլիսի ժամանակ էլ Փաշինյանը ջգաքցրեց, որ բանակցությունները փակուղի են մտել, Ադրբեյջանը հրաժարվում է մինչ այս ստանձ-նած իր պարտավորություններից, ավելին՝ գնալով մեծացնում է իր պահանջները, տարածքային նկրտումները ոչ միայն Արցախի, այլև արդեն Հայաստա-նի տարածքի նկատմամբ: Խոսքը, ամենայն հավանականութամբ, հենց Սյունիքով միջանցքի մասին է: ՔՊ-ականները պարբերաբար ակնարկում են, որ հիմա բանակցային դաշտում ողջ ջանքերը ուղղված են Սյունիքը պահելուն, իսկ Արցախի հարցը թողել են բախտի քմահաճույքին, կամ ինչպես իրենք են ասում, «Արցախի ժողովուրդը եւ դեկավարությունը իրենք հենց պետք է որոշեն իրենց ճակատագիրը»: Բացի սա, լարված է նաեւ Հայաստանի ներ-քաղաքական կյանքը. պարբերաբար ՔՊ-ականների կոռուպցիոն «հերոսությունների» մասին նոր տեղեկություններ են ջրի երես դուրս գալիս, ինչի արդ-յունքում ՔՊ-ն հայտնվում է մամուլի ու հասարակության քննադատության կիզակետում: Այս ամենը հաշվի առնելով՝ ՔՊ-ականները որոշել են ամեն շա-բաթ հանդիպել, որպեսզի վարչապետից տեղեկանան արտաքին զարգացումների մասին, ինչպես նաեւ քննարկեն իրենք հետագա անելիքները:



«Ժողովուրդ» օրաթերթի տեղեկությունների համաձայն՝ իրավապահ համակարգն առողջապահության նախկին նախարար, ՔՊ խմբակցու-թյան պատգամավոր Արսեն Թորոսյանի գործունեության մասով շրջանակն ընդլայնում է: Գործը հասնում է «Սուրբ Գրիգոր Լուսավո-րիչ» հիվանդանոցին: Մեզ հասած տեղեկությունների համաձայն՝ նախաքննական մարմինը հարցաքննության է հրավիրել «Սուրբ Գրիգոր Լուսա-վորիչ» ԲԿ-ի տնօրեն Արման Յովակիմյանին եւ երկու անզամ բավականին երկար պահել նրան նախաքննական մարմնում: «Ժողովուրդ» օրաթերթին հասած տեղեկությունների համաձայն՝ հարցաքննվել են նաեւ բժշկական կենտրոնի աշխատակիցներ, ու չի բացառվում, որ առաջիկայում «Գրիգոր Լուսավորիչ» ԲԿ-ից ձերբակալություններ լինեն: Նշենք, որ «Սուրբ Գրիգոր Լուսավորիչ» ԲԿ-ն պետական եզակի բժշկական կենտրոններից է, որը 2020-ի ապրիլից գործել է որպես բացառապես քովիդ-կենտրոն:



«Ժողովուրդ» օրաթերթի տեղեկությունների համաձայն՝ ՀՀ բանակային կորպուսի նախկին հրամանատար Արտակ Բուդաղյանը նշանակվել է ՊՆ հատուկ հանձնարարությունների գծով սպա: Նա կլինի բոլոր զորամասերին համապատասխան հանձնարարականներ տվողը: Հիշեցնենք, որ փետրվարի 1-ին, ՀՀ նախագահ Վահագն Խաչատուրյանի հրամանագրով, Արտակ Բուդաղյանն ազատվել էր բանակային կորպուսի հրամանատարի պաշտոնից: ArmLur.am-ը փետրվարի 2-ին գրել էր, որ Արտակ Բուդաղյանին Պաշտպանության նախարարությունում լուրջ պաշտոն են առաջարկել, եւ առաջիկայում նրա նշանակումը կլինի, եւ, ահա, նրա նշանակումը եղել է:



ՓՎԿՈՒՂԻ

ԱՐՑԱԽԻ ՀԱՄԱՐ ԸՆԴՈՒՆԵԼԻ ՉԷ

Նիկոլ Փաշինյանն իր վերջին ասուլիսի ժամանակ մի քանի րոպե հուսադրող հայտարարություններ արեց Արցախի մասին՝ ակնարկելով, որ իրավիճակն իսկապես ծայրահեղ է: Նա, մասնավորապես, հայտարարեց, որ Լեռնային Ղարաբաղի շուրջ բանակցությունները փակուղում են, իսկ Ադրբեջանը փորձում է Ղարաբաղում ցեղասպանություն կամ էթնիկ զտում իրականացնելու մանդատ ձեռք բերել: Միևնույն ժամանակ, Փաշինյանն ասաց, որ Լեռնային Ղարաբաղի ժողովուրդը եւ ղեկավարությունն իրենք դեմ է որոշում իրենց հետագա ճակատագրի: Ըստ Փաշինյանի՝ 44օրյա դաժնամիջոց հետո Լեռնային Ղարաբաղի անվտանգության երաշխավորը, իր իսկ սահմանած դաժնամիջոցներով, Ռուսաստանի Գազնությունն է: Արցախից մինչ օրս դաժնամիջոցներ արձագանք չկա Փաշինյանի այս հայտարարություններին: Նիկոլ Փաշինյանի ասուլիսի ժամանակ հնչեցրած հայտարարությունների վերաբերյալ ArmLur.am-ը գրուցել է Արցախի «Արդարություն» կուսակցության ղեկավար Գավիթ Գալստյանի հետ:



«Պարոն Գալստյան, ի՞նչ կասեք Փաշինյանի՝ Արցախի վերաբերյալ արած դիտարկումների մասին, ի՞նչ կարող ենք արձանագրել այս ամենից:

«Նիկոլ Փաշինյանն իր ասուլիսում անդրադարձավ որոշ արցախցիների՝ 20-հոգանոց ակցիային ռուս խաղապահների տեղակայման վայրում, բայց այդպես էլ չհանդերձարձակ արցախցիների երկու մեծ ակցիաներին, երբ արցախահայությունը դուրս էր եկել հրապարակ եւ պահանջում էր, որպեսզի Արցախի ինքնորոշումը ճանաչվի միջազգայնորեն, երբ արցախցիները փաստում էին, որ պայքարելու են, քանի որ չեն պատկերացնում Արցախի Ադրբեջանի կազմում: Փոխարենը դիվանագիտական բոլոր խողովակներով Հայաստանի իշխանությունը՝ ի դեմս Նիկոլ Փաշինյանի, այս գիծն առաջ տանելու, ցավոք սրտի, անտեսելով ամբողջ արցախահայության պահանջը՝ նա իր ասուլիսի ժամանակ, չգիտես՝ ինչու, անդրադարձավ 20-հոգանոց ինչ-որ ակցիայի ռուս խաղապահների դեմ: Սրանով նա կրկին ջուր է լցնում Ադրբե-

ջանի ջրաղացին, այն է՝ փնտել է ռուս խաղապահների աշխատանքը: Փաշինյանի նման հայտարարությունները թույլ են տալիս մեզ մտածել, որ հենց այդ խմբակը ուղղորդվում է կամ Նիկոլ Փաշինյանի, կամ էլ այլ արտաքին կետորևների կողմից, որոնց կողմից ուղղորդվում է հենց Փաշինյանը:

«Նիկոլ Փաշինյանը հայտարարեց, որ բանակցությունները փակուղում են, իսկ Ադրբեջանը գնալով մեծացնում է իր պահանջները Արցախի ու Հայաստանի նկատմամբ: Ինչո՞ւ նման փակուղային իրավիճակում հայտնվեցինք, ու ի՞նչ էլ-քեր եք տեսնում:

«Բանակցություններն ինքն իրենց փակուղի չեն մտնում, փակուղի մտցրել է

հենց Նիկոլ Փաշինյանը, ով դռների հետևում այլ բան է խոսում, խոստումներ է տալիս, իսկ հրապարակային խոսքում այլ բան է ասում: Հենց Փաշինյանը բանակցությունները մտցրեց փակուղի, որի արդյունքում ունեցանք Արցախի 75%-ի կորուստ: Նա հայտարարում էր, թե Արցախի համար այնպիսի լուծում պետք է գտնի, որն ընդունելի լինի Հայաստանի, Արցախի ու Ադրբեջանի ժողովուրդների համար, բայց միայն Ադրբեջանի ժողովրդի համար է Փաշինյանի որոշումն ընդունելի: Չեմ կարծում, որ Արցախում եւ Հայաստանում ապրող հայերի համար ընդունելի են Փաշինյանի գտած լուծումները:

Ջրուցեց ԶՐԻՍԻՆԵ ՍՈՒՇԵՂՅԱՆԸ

ԼՈՒՐԵՐ

ՓՈՓՈԽՈՒԹՅՈՒՆՆԵՐ՝ ՀԱՇՎԵՏՎՈՒԹՅՈՒՆՆԵՐԻ ԿԱՐԳՈՒՄ

ՀՀ արդարադատության նախարարությունը նոր նախագիծ է ներկայացրել եւ առաջարկում է փոփոխություններ կատարել «Կուսակցությունների մասին» սահմանադրական օրենքում: Նախ՝ Նշենք, որ գործող կարգավորումներով կուսակցությունները պարտավոր են յուրաքանչյուր տարի՝ հաշվետու տարվան հաջորդող մայիսի 31-ից ոչ ուշ, ՀՀ հրապարակային ծախուցումների պաշտոնական ինտերնետային կայքում հրապարակել իրենց տարեկան հաշվետվությունները, իսկ օրենքով նախատեսված դեպքերում՝ նաեւ դրա վերաբերյալ աուդիտորական եզրակացությունը, իսկ հրապարակելուց հետո՝ եռօրյա ժամկետում, հաշվետվությունը եւ դրա հրապարակման փաստը վկայող ապացույցները ներկայացնել հանձնաժողով:

Սակայն 2021 թվականի տարեկան հաշվետվությունների հրապարակման

փաստը ստուգելիս հանձնաժողովը պարզել է, որ կան կուսակցությունների տարեկան հաշվետվություններ, որոնք ներկայացվել են հրապարակվել են անձնական տվյալներով, ուստի նախագծով առաջարկվում է, որ կուսակցություններն իրենց տարեկան հաշվետվությունները ներկայացնեն հանձնաժողով, իսկ վերջինս էլ ապահովի իր պաշտոնական կայքում դրանց հրապարակումը՝ բացառելով անձնական տվյալների հրապարակումը:

Նման կարգավորումը լուծում է առաջացած խնդիրները, այդ թվում՝ ազատում կուսակցություններին նույն տարեկան հաշվետվությունը 2 տարբեր մարմինների՝ ներկայացնելու հավելյալ պարտականությունից, միաժամանակ, առաջիկայում հայտարարագրերի ներկայացման էլեկտրոնային նոր համակարգում նախատեսվում է ապահովել նաեւ կուսակցությունների տարեկան հաշվետվությունների՝ էլեկտրոնային եղանակով ներկայացման բաժին, ուստի նպատակահարմար է տարեկան հաշվետվությունների ներկայացման եւ հրապարակման հա-

մար կիրառել հենց հանձնաժողովի պաշտոնական կայքը:

ԿԱՅՑԵԼԻ ՀԱՅԱՍՏԱՆ

ArmLur.am-ի տեղեկություններով՝ վաղը սպասվում է ՀԱԿԿ գլխավոր քարտուղար Իմանգալի Տասմագամբետովի այցը Հայաստան:

ArmLur.am-ը տեղեկացավ, որ այցը նախապես ծրագրավորված է եղել, եւ նա Հայաստանում հանդիպումներ կունենա Հայաստանի բարձրագույն ղեկավարության հետ:

Ամեն դեպքում, ՀԱԿԿ գլխավոր քարտուղարի առաջին այցը Հայաստան տեղի է ունենում հետաքրքիր ժամանակներում, երբ Նիկոլ Փաշինյանը մամուլի ասուլիսում կրկին բացասական արտահայտվեց կառույցի հասցեին: Դրանից մի քանի օր առաջ էլ հայտնի դարձավ, որ Հայաստանը ՀԱԿԿ գլխավոր քարտուղարի տեղակալի՝ իր քվտայից հրաժարվելու առաջարկ է ներկայացրել:

ՆԱԻՐԱ ՀՈԿՅԱՆՆԻՍՅԱՆ



ԱՐՑԱԽԻ ԳԼԽԱՎՈՐ ԴԱՏԱԽԱՉ

«Ժողովուրդ» օրաթերթի տեղեկություններով՝ ՀՀ նախկին գլխավոր դատախազ Արթուր Դավթյանը կնշանակվի Արցախի Հանրապետության գլխավոր դատախազի պաշտոնում: Նշենք, որ նա 2022 թվականի սեպտեմբերից հրաժեշտ էր տվել ՀՀ գլխավոր դատախազի պաշտոնին եւ այդ ժամանակից առ այսօր նոր պաշտոնի չէր անցել: Թեեւ նրան խոստացել էին կրթական հաստատություններից մեկի ղեկավարումը հանձնել, սակայն մինչ օրս չէին նշանակել: Ինչպես գրել էր «Ժողովուրդ» օրաթերթը 2022 թվականի նոյեմբերի 25-ի համարում, Արթուր Դավթյանն աշխատանքի կանցնի Արցախում:

Հիշեցնենք, որ Արցախի Հանրապետության գլխավոր դատախազ Գուրգեն Ներսիսյանը նշանակվել է Արցախի պետախառար, եւ Արթուր Դավթյանը կփոխարինի հենց նրան: Քաղաքական որոշումն արդեն կայացվել է:

ՉԻ ԿԱՐՈՂԱՆՈՒՄ ՎԵՐԱՀՄԿԵԼ ՄԵՎ ԵՈՒԿԱՆ

Հայաստանի ֆուտբոլի ֆեդերացիան կրկին չի կարողանում վերահսկել խաղերի տոմսերի վաճառքն ու սեւ շուկան: Ավելին՝ մեծ թվով ֆուտբոլասերներ պարզապես զրկվել են մարզադաշտում Հայաստանի հավաքականի խաղը դիտելու հնարավորությունից: Իսկ ինչի՞ մասին է խոսքը. մարտի 6-ին տեղեկություն հրապարակվեց այն մասին, որ սկսվել է Հայաստան-Թուրքիա ֆուտբոլային տոմսերի առցանց վաճառքը: Ընդ որում՝ տոմսերը ինչպես առցանց, այնպես էլ Վ. Սարգսյանի անվան Հանրապետական մարզադաշտի տոմսարկղից հնարավոր է գնել միայն անձնագրային նույնականացում անցնելուց հետո: Մեկ անձը կարող է գնել ոչ ավելի, քան երկու տոմս: ՀՖՖ-ից նաեւ հայտնել էին, որ տոմսերի վաճառքը Վ. Սարգսյանի անվան Հանրապետական մարզադաշտի տոմսարկղում կմեկնարկի ավելի ուշ, սակայն արդեն մարտի 13-ին հայտնի դարձավ, որ բոլոր տոմսերը սպառվել են, եւ մարզադաշտի տոմսարկղում տոմսերի վաճառք չի լինի: Եվ, ահա, այս հանգամանքն առաջացրել է երկրպագուների զայրույթը, դարձել տոմսերի սեւ շուկայում ընթացող վաճառքի զարգացման հիմք: Օրինակ՝ արեւելյան տրիբունայում այժմ կարող էք մեկ տոմսը, 3-5 հազար դրամի փոխարեն, ձեռք բերել 25-35 հազար դրամով, հարավային եւ հյուսիսային տրիբունաներում մեկ տոմսի արժեքը, 2 հազար դրամի փոխարեն, 20 հազար դրամ է, արեւմտյան տրիբունայում մեկ տոմսի արժեքը հասնում է 50 հազար դրամի՝ 10 հազար դրամի փոխարեն: Ավելին՝ մոտավոր 15 հազար հանդիսական տեղավորող մարզադաշտի համար, պարզվում է, ոչ բոլոր տոմսերն են հանվել վաճառքի: «Ժողովուրդ» օրաթերթը տեղեկացավ, որ որոշում է կայացվել մոտ 5 հազար տոմս ոչ թե վաճառել, այլ տրամադրել սեփական եւ վստահելի մարդկանց՝ այնտեղ հնարավոր լարվածություն թույլ չտալու համար: Այսինքն՝ մի կողմից՝ ոչ բոլորն են կարողացել տոմս գնել, մյուս կողմից էլ՝ ՀՖՖ-ն չի կարողանում վերահսկել սեւ շուկան, եւ վերավաճառողներն անարգել հարստանում են:

ԻՐԱՎԻՃԱԿ

ԱՐՁԱԳԱՆՔ

ԱՌԱՋԱՐԿՆԵՐ՝ ԽՏՂԱԳՈՒԹՅԱՆ ՊԱՅՄԱՆԱԳՐԻ ԸՈՒՐՁ

ՀՐԱԺԱՐՎՈՂՆԵՐԸ ԳԱՏՎՈՒՄ ԵՆ

ArmLur.am-ին հայտնի դարձավ, որ Ռադիկ Սարուխանյանին մեղադրանք է առաջադրվել, որ նա, հանդիսանալով պահեստազորի առաջին խմբի առաջին կարգում հաշվառված կրտսեր ենթասպայական կազմի պահեստազորային, պարտավոր լինելով մասնակցել 33 կառավարության 23.06.2022 թվականի որոշմամբ հայտարարված 2022 թվականի օգոստոսի 01-ից մինչև հոկտեմբերի 30-ն անցկացվող եռամսյա վարժական հավաքին, 24.06.2022 թվականին ստացել է ծանուցագիրը եւ բուժզննման ուղեգիրը, որից հետո ճանաչվելով պիտանի վարժական հավաքների համար՝ վարժական հավաքների մեկնելու օրը՝ 2022 թվականի օգոստոսի 01-ին, չի ներկայացրել 33 ՊՆ Լուռու մարզի տարածքային ստորաբաժանում եւ չի մեկնել վարժական հավաքների՝ այդպիսի խուսափելով եռամսյա վարժական հավաքին մասնակցելուց:

Ո՞Վ Է ԽԱՆՏՈՒՄՆԵՐԻ ՄԵՂԱՎՈՐԸ

ArmLur.am-ը գրուցել է «Մարիաննա» ընկերության մանրէաբան Սոնա Քոթանջյանի հետ, թե ինչպես է ընկերությունը խախտումներով կաթնաշոռ արտադրում վտանգելով մարդկային կյանքը: Ի պատասխան մեր հարցման՝ ընկերությունը աշխատակից Սոնա Քոթանջյանը հայտնեց, թե ինչ էն պատրաստվում անել: Նրա խոսքով՝ կազմակերպությունը պահպանել է բոլոր ասնիտարահիգիենիկ պայմանները, եւ հավանական է, որ խանութներում սառնարանների ջերմաստիճանների տատանման պատճառով է առաջացել նման խնդիր: «Բոնիլատ» ընկերությունից մեկնաբանեցին, որ յուրաքանչյուր խմբաբանակ գնում է լաբորատորիա, եւ մենք նման շեղումներ չենք հայտնաբերել այդ օրվա խմբաբանակի կաթնաթերթի մեջ, բայց հնարավոր է՝ երկրորդային աղտոտում է: Մենք ոչինչ չենք բացառում: Այս պահին ընկերությունը կանգնած է, մաքրման աշխատանքներ են ընթանում: Այս մասին ArmLur.am-ի հետ գրուցում ասաց «Բոնիլատ» ընկերության համապատասխան աշխատակիցը՝ անդրադառնալով «3ետք»-ի մարտի 2-ին փորձաքննության շուկայում լայն սպառում ունեցող կաթնաշոռի 10 նմուշին, որոնք գրանցել են բազմակի շեղումներ:

«3ետք»-ը մարտի 2-ին փորձաքննության է ներկայացրել շուկայում լայն սպառում ունեցող կաթնաշոռի 10 նմուշ:

«Փորձաքննության ներկայացված կաթնաշոռի 10 նմուշից միայն 2-ն է համապատասխանում սահմանված նորմերին. դրանք են «Թամարա» եւ «Անի» ապրանքանիշերի կաթնաշոռները:

10 նմուշից 5-ում հայտնաբերվել են աղիքային ցուպիկի խմբի մանրէներ. դրանք են «Բիոկաթ», «Չանախ», «Աշտարակ կաթ», «Արզնի», «Բոնիլատ» ապրանքատեսակները:

0 նմուշից 8-ում հայտնաբերվել է խմորասնկերի անթոյլատրելի բարձր քանակ. դրանք են «Մարիաննա», «Բիոկաթ», «Չանախ», «Աշտարակ կաթ», «Արզնի», «Մարիլա», «Բոնիլատ», «3այր եւ որդի Երեմյաններ» ապրանքանիշերի արտադրանքները: Նմուշներից 4-ում հայտնաբերվել է բորբոսասնկերի անթոյլատրելի քանակ. դրանք են «Մարիաննա», «Բիոկաթ», «Աշտարակ կաթ», «Արզնի» ապրանքանիշերի կաթնաշոռները: Միաժամանակ 3 ցուցանիշի շեղում՝ աղիքային ցուպիկ, ինչպես նաեւ խմորասնկերի եւ բորբոսասնկերի բարձր քանակ հայտնաբերվել է 3 նմուշում՝ «Բիոկաթ», «Աշտարակ կաթ», «Արզնի» կաթնաշոռներում:

Սացել ենք Ադրբեջանի նոր առաջարկները՝ խաղաղության դաշմանագրի վերաբերյալ: Այս մասին երեկ՝ կառավարության նիստի ժամանակ, հայաստանի է ՀՀ վարչապետ Նիկոլ Փաշինյանը՝ սանելով, թե թեմակոյնել ենք դաշմանագրի նախագծի ֆննարկման չորրորդ օրը: «Մենք կֆննարկենք եւ առաջիկայում կենեկայացնենք մեր դիտարկումները: Մենք հավասարի ենք ու չենք շեղվելու խաղաղության օրակարգից: Միեւնոյն ժամանակ, դիտարկումը հրավիրեն նաեւ այն փաստի վրա, որ ի հեճուկս 2020 թվականի նոյեմբերի 9-ի եռակողմ հայաստանի 8-րդ կետի՝ մինչեւ հիմա Ադրբեջանը չի վերադարձրել հայ գերիներին, դատաւնդներին, այլ դաւաճող անձանց, ինչպէս նաեւ շարունակում է օկուպացիայի սակ դաւեկ 1994, 2021, 2022 թվականների ագրեսիայի հետեւանոճով բռնագաճաճած՝ Հայաստանի Հանրապետության ինքնիշխան սարածֆները», - նեկ էր նա:



կող դրսեւորումը Լեռնային Ղարաբաղի ոստիկանության 3 աշխատակիցների սպանությունն էր ադրբեջանական դիվերսիոն խմբի կողմից սույն թվականի մարտի 5-ին: Ոստիկանները, հիշեցնելով, ծառայողական նպատակներով մարդատար ավտոմեքենայով ուղեւորվում էին Լեռնային Ղարաբաղի Յին Շեն, Մեծ Շեն գյուղերը», - ասել է նա: Նրա խոսքով՝ հերթական այս միջադեպը տեղի է ունեցել Լեռնային Ղարաբաղում Ռուսաստանի Դաշնության խաղաղապահ զորախմբի պատասխանատվության գոտում: Կարելի է արձանագրել, որ Ռուսաստանի Դաշնության պաշտպանության նախարարությունը մարտի 6-ին տարածած հաղորդագրության մեջ հստակ արձանագրել է, որ միջադեպի նախաձեռնողն ադրբեջանական կողմն է: Ռուսաստանի Դաշնության պաշտպանության նախարարության հաղորդագրության մեջ ասվում է նաեւ, որ Լեռնային Ղարաբաղի եւ Ադրբեջանի ներկայացուցիչների մասնակցությամբ վարույթ է իրականացվում դեպքի մանրամասները պարզելու համար: Այս առումով, կարծում են, հատուկ գնահատականի պետք է արժանանա այն փաստը, որ Լեռնային Ղարաբաղի ոստիկանների սպանությունները տեղի են ունեցել Լաչինի միջանցքում»:

«Ադրբեջանի պետական եւ մերձպետական քարոզչությունը տեսական ժամանակ Լեռնային Ղարաբաղի նկատմամբ լայնածավալ հարձակման լրատվական ֆոն է ստեղծում, եւ լարվածության միտումները տեսանելի են նաեւ գետնի վրա», - Նշում է Փաշինյանը: «Մեր գնահատականը շարունակում է մնալ նույնը՝ Ադրբեջանի ռազմաքաղաքական դեկավարությունը Լեռնային Ղարաբաղի ժողովրդի նկատմամբ էթնիկ գոտումների, ցեղասպանության նախապատրաստություններ է տեսնում: Այս արձանագրումը մեծ հաշվով առկա է նաեւ Արդարադատության միջազգային դատարանի փետրվարի 22-ի որոշման մեջ, որտեղ հստակ արձանագրվել է, որ Լաչինի միջանցքի փակումը Լեռնային Ղարաբաղի ժողովրդի համար կարող է բերել անդառնալի հումանիտար հետեւանքներ: Այս իմաստով կարելի է անհետաձգել եւ համարում, որ Հայաստանը միջոցներ ձեռնարկի ցեղասպանությունների կանխարգելման միջազգային մեխանիզմների գործարկման ուղղությամբ: Խոսքը, մասնավորապես, ՄԱԿ շրջանակում նախատեսված մեխանիզմների մասին է: Այս մասին Արտաքին գործերի նախարարությանը տվել են համապատասխան հանձնարարականներ», - Նշել է նա իր ելույթում:

ՆԱԻՈՒ ՅՈՎՅԱՆՆԻՍՅԱՆ

ՕՐՎՍ ԽՃԱՆԿԱՐ

ԵՎՐԱՄԽՈՐՀՐԳԱՐԱՆԸ ԿՈՉ Է ԱՆՈՒՄ

Եվրոպական խորհրդարանի լիազուրկ նիստը մարտի 15-ին ընդունել է ԵՄ-Հայաստան եւ ԵՄ-Ադրբեջան հարաբերությունների 2021-2022թթ. զեկույցները, որոնք անդրադառնում են Հայաստանի եւ Ադրբեջանի հետ ԵՄ հարաբերությունների առանցքային կետերին, Արցախի հակամարտությանը եւ տարածաշրջանում Եվրամիության դերին՝ կայունության ու խաղաղության հաստատման գործում:

Երկու զեկույցները վերահաստատում են՝ Հայաստանի եւ Ադրբեջանի միջեւ խաղաղության համապարփակ պայմանագիրը պետք է երաշխավորի Հայաստանի ինքնիշխան տարածքի ամբողջականությունը, Արցախում բնակվող հայ բնակչության իրավունքներն ու անվտանգությունը:

ՉԳՐԱՆՑՎԱԾ ԱՃԽԱՏՈՂՆԵՐ

Պետական եկամուտների կոմիտեն ներկայացնում է 2023թ. փետրվար ամս-

վա ընթացքում ավարտված հսկողական աշխատանքների արդյունքներով չգրանցված (չձեւակերպված) վարձու աշխատող ունեցող հարկ վճարողների վերաբերյալ տեղեկատվությունը:

2023 թվականի փետրվար ամսվա ընթացքում ավարտված հսկողական աշխատանքների արդյունքներով 26 հարկ վճարողի մոտ արձանագրվել է աշխատողի աշխատանքի ընդունումը 33 օրենսդրությամբ սահմանված կարգով գրավոր չձեւակերպելու խախտում:

Հսկողական միջոցառումների արդյունքում չգրանցված (չձեւակերպված) վարձու աշխատող ունեցող հարկ վճարողներին ընդհանուր առաջադրվել է շուրջ 17.7 մլն դրամի չափով տուգանք:

ՊԱՏՎԻՐԱԿՈՒԹՅՈՒՆԸ ՓԱՐԻԶՈՒՄ

Վլեն Սիմոնյանի որոշմամբ՝ ԱԺ պատվիրակություն կգործուղվի Փարիզ: ArmLur.am-ը տեղեկացավ, որ պատվիրակության կազմում կլինեն Եսեւ-Վ-ում Ազգային ժողովի պատվիրակության ղեկավար, Ազգային ժողովի նախագահի

տեղակալ Ռուբեն Ռուբինյանը (մարտի 19-22-ը), ԱԺ պետական-իրավական հարցերի մշտական հանձնաժողովի նախագահ Վլադիմիր Վարդանյանը (մարտի 21-23-ը), ԶՊ խմբակության պատգամավորներ Արուսյան Զուլհանյանը (մարտի 14-16-ը) եւ Հռիփսիմե Գրիգորյանը (մարտի 23-25-ը), «Հայաստան» խմբակցության պատգամավոր Արմեն Ռուստամյանը (մարտի 20-24-ը):

ՀՀ ԱԺ պատվիրակությունը Փարիզում կմասնակցի Եվրոպայի խորհրդի խորհրդարանական վեհաժողովի Միգրացիայի, փախստականների եւ տեղահանված անձանց հարցերի, Իրավահավասարության եւ խտրականության դեմ պայքարի հարցերի, Զաղաքական եւ ժողովրդավարության հարցերի, Իրավական հարցերի եւ մարդու իրավունքների, Մշակույթի, գիտության, կրթության եւ լրատվամիջոցների հարցերի, ինչպես նաեւ Սոսիալ-դիմաքրի հանձնաժողովների նիստերի աշխատանքներին:

Պատգամավորների գործուղման հետ կապված ծախսերը՝ ճանապարհածախսը, օրապահիկը, ինչպես նաեւ գիշերավարձը, կկատարվեն պետբյուջեի հաշվին:

ԻՐԱՎԱԿԱՆ

ԶԳՈՒՇԱՑՈՒՄ

ԿԱՍԿԱԾՎՈՂ 5 ԱՆՁԻՆՔ ԶԵՐԲԱԿԱԼՎԵԼ ԵՆ

ՀՀ ԲՆՆՅԱԿԱՆ ԿՈՄԻՏԵԻ Գեղարքունիքի մարզային ԲՆՆՅԱԿԱՆ Վարչության Մարտնու ԲՆՆՅԱԿԱՆ բաժնում դարգվում են դաժանաբար անձի օրինական ծառայողական գործողությանը միջամտելու հերթական դեմքի համաճանգները:

ՀՀ ՆԳՆ ոստիկանության պարեկային ծառայությունից հաղորդում է ստացվել այն մասին, որ 2023թ. մարտի 15-ին պարեկային ծառայության երեք աշխատակիցներ ծառայություն են իրականացրել Գեղարքունիքի մարզի Մարտնու համայնքի Արծվանիստ բնակավայրի վարչական տարածքում: Հիշյալ բնակավայրի գյուղամիջյան ճանապարհով ժամը 22:00-ի սահմաններում երթեկցելիս նկատել են նույն բնակավայրի բնակիչ, որը գտնվել է ճանապարհի միջնամասում, դուրս չի եկել ճանապարհից եւ այդ ընթացքում հայիոյանքներ է հնչեցրել ծառայություն իրականացնող ոստիկանության աշխատակիցների հասցեին:

Պարեկային ծառայողները կայանել են մեքենան, մոտեցել տղամարդուն, սակայն վերջինս շարունակել է հայիոյել եւ դրսևորել ագրեսիվ վարքագիծ: Ոստիկանության աշխատակիցները փորձել են հայիոյանքներ հնչեցնելու համար վերջինիս ենթարկել վարչական ձերբակալման, սակայն նրա հայրը խցընդոտել է պարեկային ծառայողների գործողություններին, սկսել հայիոյել եւ քաջքել ոստիկաններին:

Վիճաբանությանը միջամտել են նույն բնակավայրի եւս երեք բնակիչներ, որոնք քաջքել են ձեռքերով, բռունցքով հարվածներ են հասցրել ոստիկանության աշխատակիցներին: Հաղորդման առթիվ ՀՀ ԲՆՆՅԱԿԱՆ ԿՈՄԻՏԵԻ Գեղարքունիքի մարզային քննչական վարչության Մարտնու քննչական բաժնում նախաձեռնվել է քրեական վարույթ՝ ՀՀ քրեական օրենսգրքի 452-րդ հոդվածի 3-րդ մասի հատկանիշներով: Հանցանք կատարելու անմիջականորեն ծագած հիմնավոր կասկածի հիմքով՝ միջադեպի մասնակից 5 անձ ձերբակալվել է: Կատարվում են



անհրաժեշտ քննչական եւ վարույթային գործողություններ դեպքի ամբողջական հանգամանքները պարզելու նպատակով, Նշանակվել է դատաբժշկական փորձաքննություն:

Հարգելով եւ հիմք ընդունելով անմեղության կանխավարկածը՝ հարկ ենք համարում կրկին իրազեկել, որ ծառայողական պարտականությունները կատող պարեկային ծառայողների օրինական պահանջներին չենթարկվելը, նրանց ծառայողական գործողություններին որեւէ ձեւով միջամտելը, մասնավորապես՝ նրանց, նրանց մերձավորների նկատմամբ սպառնալիքներ հնչեցնելը, նրանց գույքը ոչնչացնելը կամ նրանց նկատմամբ բռնություններ գործադրելը քրեորեն հետապնդելի արարքներ են, որոնք համար նախատեսված է պատիժ՝ ընդ-

հույ 5-ից մինչեւ 10 տարի ժամկետով ազատազրկում:

Դրսևորելով բարձր քաղաքացիական գիտակցություն՝ ծառայողական պարտականությունները կատարող պաշտոնատար անձանց գործողությունների հետ անհամաձայնություն ունենալու պարագայում անհրաժեշտ է ոչ թե դրսևորել հակաօրինական վարքագիծ, այլ նրանց առերևույթ ոչ իրավաչափ գործողությունները վիճարկել վարչական կամ քրեաիրավական համապատասխան ընթացակարգերով: Կրկին զգուշացնում ենք, որ հանցավոր վարքագիծ դրսևորելու բոլոր դեպքերը անաչառ քննությամբ բացահայտվելու են, իսկ հանցավոր արարքը հիմնավորվելու դեպքում համաչափ քրեաիրավական հետեւանքները լինելու են անխուսափելի:

ԼՈՒՐԵՐ

ԽԱՐԳԱԽՈՒԹՅՈՒՆՆԵՐԸ ԲԱՑԱՐԱՅՏՎԵՑԻՆ

Փետրվարի 21-ին ոստիկանության Կապանի բաժնում խարդախության վերաբերյալ հաղորդում էր տվել Քաջարան քաղաքի 30-ամյա մի բնակիչ: Նախորդ օրը նա կարդացել էր քաղաքում փակցված հայտարարությունը, զանգել էր Նշված հեռախոսահամարով, անհայտ մեկի հետ պայմանավորվել, եկել էր համաձայնության եւ երեք միլիոն դրամ վարկ ստանալու համար վճարային տերմինալով անհայտ անձին փոխանցել էր 300 հազար դրամ: Նույն անձը կրկին զանգել էւ հայտնել էր՝ իբր հաստատվել է ոչ թե երեք, այլ վեց միլիոն դրամի վարկը, իսկ երբ պարզվել էր, որ ոչ մի վարկ էլ չկա, եւ փոխանցված գումարն էլ խաբեությամբ հափշտակվել է, տղամարդը դիմել էր ոստիկանություն:

Հաջորդ օրերին խարդախությունների վերաբերյալ եւս երկու հաղորդում ստացվեց, որոնցից մեկը՝ Կապանի, մյուսը՝ Մեղրիի բաժնում:

Վարկած առաջ քաջվեց, որ բոլոր դեպքերում խարդախը նույն անձն է: Սկսվեց համագործակցված աշխատանք: Բացահայտման միջոցառումներին միացան նաեւ Արտաշատի ոստիկանները: Մարտի 3-ին էլ Արտաշատի բաժնում էր արձանագրվել խարդախության դեպք. նույնկերպ մի քաղաքացուց հափշտակվել էին 45 հազար դրամ:

Համատեղ ձեռնարկած օպերատիվ-հետախուզական միջոցառումների արդյունքում պարզվեց, որ խարդախությունները կատարել էր Մասիս քաղաքի 23-ամյա մի բնակիչ: Օրեր անց երիտասարդը հայտնաբերվեց եւ տեղափոխվեց Կապանի բաժին: Պարզվել է նաեւ, որ նա 59-ամյա կապանցի մի տղամարդուց նույնկերպ հափշտակվել էր 91 հազար դրամ, իսկ Արարատ քաղաքի մի բնակչուհուց՝ 100 հազար դրամ:

Նախաձեռնվել է քրեական վարույթ:

ԿԱՆԽԵԼ ԵՆ ՑԱԾ ՆԵՏՎԵԼԸ

Երեւանում երեկ՝ մարտի 16-ին՝ ժամը 11:00-ի սահմաններում, ՀՀ ՆԳՆ փրկարար ծառայության 911 ճգնաժամային կառավարման կենտրոն ահազանգ է ստացվել, որ մի քաղաքացի անցել է Կիււյան կամրջի վտանգավոր եզրագիծը ու սպառնում է, ցած նետվելով, ինքնասպանություն գործել:

Պարեկները նախ կարողացել են այդ քաղաքացու հետ բանակցություններ վարել, ապա փրկարարներն էլ կարողացել են բռնել նրան ու վտանգավոր եզրագիծից դուրս բերել:

Այդ քաղաքացին այնուհետեւ պարեկների կողմից տեղափոխվել է Ոստիկանության Մաջոոցի բաժին:

Դեպքի փաստով Հայաստանի քննչական կոմիտեի Երեւան քաղաքի քննչական վարչության Աջափնյակ եւ Դավիթաշեն վարչական շրջանների քննչական բաժնում նախաձեռնվել է վարույթ:

Կայքի տեղեկություններով՝ այդ քաղաքացին Երեւանի բնակիչ 62-ամյա Սամվել Հ.Ն է:

ԴԱՏՎՈՒՄ ԵՆ

ՈՐ ԴԱՏԱՎՈՐՆ Է ՔՆՆԵԼՈՒ ԳՈՐԾԸ

ԱԾ «Հայաստան» խմբակցության դատաւար Մրմեն Չարչյանի գործը մսավ դատարան: ArmLur.am-ին հայցնի դարձավ, որ գործը մակագրվել է դատավոր Ադրինե Գուկասյանին:

Արմեն Չարչյանին մեղադրանք է առաջադրվել այն բանի համար, որ նա, հանդիսանալով «Իզմիրյան» բժշկական կենտրոն ՓԲԸ-ում գործադիր տնօրեն, Երեւանի Միսիթար Հերացու անվան պետական բժշկական համալսարանի վնասվածքաբանության եւ օրթոպեդիայի ամբիոնի վարիչ եւ ընդգրկված լինելով ՀՀ հատուկ քննչական ծառայության վարույթում քննվող թիվ 58212116 քրեական գործով Արթուր Ռոբերտի Սարգսյանին ծանր եւ առանձնապես ծանր հանցագործությունների համար առաջադրված մեղադրանքների առնչությամբ Նշանակված կրկնակի հանձնաժողովային դատաբժշկական փորձաքննության հանձնաժողովի կազմում որպէս փորձագետ, 2017թ. փետրվարի 8-ին տվել է կրկնակի դատաբժշկական հանձնաժողովային փորձաքննության

ին տվել է կրկնակի դատաբժշկական հանձնաժողովային փորձաքննության թիվ 17-0202 ակնհայտ կեղծ եզրակացությունը:

Վարդան Էդուարդի Խաչիյանին մեղադրանք է առաջադրվել այն բանի համար, որ նա, հանդիսանալով ՀՀ գիտությունների ազգային ակադեմիայի «Փորձաքննությունների ազգային բյուրո» պետական ոչ առետրային կազմակերպության փորձագետ եւ ընդգրկված լինելով ՀՀ հատուկ քննչական ծառայության վարույթում քննվող թիվ 58212116 քրեական գործով Արթուր Ռոբերտի Սարգսյանին ծանր եւ առանձնապես ծանր հանցագործությունների համար առաջադրված մեղադրանքների առնչությամբ Նշանակված կրկնակի հանձնաժողովային դատաբժշկական փորձաքննության հանձնաժողովի կազմում որպէս փորձագետ, 2017թ. փետրվարի 8-ին տվել է կրկնակի դատաբժշկական հանձնաժողովային փորձաքննության

թիվ 17-0202 ակնհայտ կեղծ եզրակացությունը:

Հայկազն Արարատի Չախոյանին եւ Կարեն Միսիթարյանին մեղադրանք է առաջադրվել այն բանի համար, որ նա, հանդիսանալով ՀՀ գիտությունների ազգային ակադեմիայի «Փորձաքննությունների ազգային բյուրո» պետական ոչ առետրային կազմակերպության փորձագետ եւ ընդգրկված լինելով ՀՀ հատուկ քննչական ծառայության վարույթում քննվող թիվ 58212116 քրեական գործով Արթուր Ռոբերտի Սարգսյանին ծանր եւ առանձնապես ծանր հանցագործությունների համար մեղադրանքների առնչությամբ Նշանակված կրկնակի հանձնաժողովային դատաբժշկական փորձաքննության հանձնաժողովի կազմում որպէս փորձագետ, 2017թ. փետրվարի 8-ին տվել է կրկնակի դատաբժշկական հանձնաժողովային փորձաքննության թիվ 17-0202 ակնհայտ կեղծ եզրակացությունը:

ԵՆԱՐ ՄԱՆՈՒԿՅԱՆ

● Ըստ ոստիկանության տվյալների՝ մարտի 15-ից 16-ը Հայաստանի Հանրապետությունում բացահայտվել է հանցագործության 67 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԵՐԵՎԱՆԻ ՓՈՐՁԻՑ ՀԱՍՏԱՏՎԵՑ

Դիվիզան խոշոր համայնքի ավագանին մարտի 14-ի նիստում, ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 4.1 կետի և նույն օրենքի 82.1 հոդվածի պահանջներով, որոշել է հաստատել Դիվիզանի համայնքապետարանի 2023 թվականի տարեկան աշխատանքային պլանը: Դիվիզանի համայնքի ավագանու փետրվարի 17-ի նիստում ավագանին չէր հաստատել համայնքապետարանի տարեկան աշխատանքային պլանը: Համայնքի ավագանու «Ապրելու երկիր» խմբակցության անդամները դժգոհություն էին հայտնել, որ համայնքապետարանի ինտերնետային կայքում համայնքապետարանի տարեկան աշխատանքային պլանը չի տեղադրվել, և իրենք հնարավորություն չեն ունեցել դրան ծանոթանալու: Դիվիզանի համայնքապետարանը պատճառաբանել է, որ տարեկան աշխատանքային պլանը համայնքապետարանի պաշտոնական կայքում չի տեղադրվել, որովհետև տեխնիկական խնդիրներ են եղել:

ՌՈՒՄՆԵՐ ԻՋԵՎԱՆ ԲՍԳԱՔՈՒՄ

Տավուշի մարզկենտրոն հռչեան քաղաքում բնակարանների վարձակալության գները ցածր չեն: Դրանք ցածր չեն նաև այն բանի շնորհիվ, որ վերջերս հռչեանում բնակություն են հաստատել Ռուսաստանի քաղաքացիներ: Նրանք հեռան քաղաքի բազմաբնակարան շենքերում վարձակալությամբ բնակարաններ են զբաղեցրել: Ռուսաստանի քաղաքացիների՝ Հայաստան տեղափոխվելու պատճառը Ուկրաինայում ընթացող պատերազմն է և դրա հետևանքով ռուսական շատ ընկերությունների դեմ գործող արեմտյան պատժամիջոցները: Ռուսաստանից Հայաստան վերաբնակվածների բացարձակ մեծամասնությունը հաստատվել է Երեւանում, Արմավիրում, Արարատյան դաշտի քաղաքներում, սակայն Ռուսաստանի շատ քաղաքացիներ Երեւանի համեմատ ցածր վարձավճարով բնակարաններ են վարձել Տավուշի մարզի Դիվիզան և հռչեան քաղաքներում:

ՀԱՆՏԱՐԱԿՏԱՅԻՆ ՄԻՋՈՑՆԵՐ ԶԿԱՆ

Գրեթե ամեն տարի կարկուտը մեծ վնասներ է պատճառում Տավուշի մարզի գյուղատնտեսական ցանքատարածություններին, խարոյի և մրգատու այգիներին: Տավուշի մարզի 4 խոշոր համայնքներից 3-ում Դիվիզանում, հռչեանում և Բերդում, հակակարկուտային կայաններ չկան: Տավուշի մարզի Նոյեմբերյան խոշորացված համայնքի բնակավայրերի տարածքում, հիմնականում Դեբեդի հովտում, գործում է ընդհանուր թվով 13 հակակարկուտային կայան, որոնք Նոյեմբերյան համայնքի տարածքի մի մասի ցանքերն ու այգիները պաշտպանում են կարկուտից: Մինչև 2018-ի թավշյա հեղափոխությունը Հայաստանի գյուղատնտեսության նախարարությունը ներկայացնում էր, որ շուտով Հայաստանի գյուղատնտեսական ցանքատարածությունները և այգիները պաշտպանելու համար տեղադրվելու են պաշտպանիչ ցանցեր, սակայն այդ գործը լայն կիրառում չգտավ: Խնդիրը բարդանում է նրանում, որ գյուղատնտեսության ոլորտում պետական ապահովագրություն չկա, և գյուղացիների հայացքը, ինչպես հարյուրավոր տարիներ առաջ, միշտ վախով ուղղվում է երկնքի մուգ, կարկուտաբեր ամպերին:

ՈՍԿԱՆ ՍՈՐԳՅԱՆ Տավուշ

ՆՈՐ ՆԱԽԱԳԻԾ

ԻՆՔՆԱԿԱՄ ԿԱՌՈՒՅՑՆԵՐԻ ՀԱՄԱՐ ՏՈՒԳԱՆՔԸ ԽՄՏԱՑՎՈՒՄ Է

ՀՀ արդարադատության նախարարությունն առաջարկում է փոփոխություններ կատարել ՀՀ վարչական իրավախախտումների վերաբերյալ օրենսգրքում:

Նախագծով առաջարկվում է վարչական պատասխանատվության առավել խիստ միջոցներ սահմանել շենքեր և շինություններ ինքնակամ կառուցելու, վերակառուցելու, տեղադրելու, առանց թույլտվության շինարարություն կամ տեղադրման թույլտվություն պահանջող շինարարական աշխատանքներ, առանց թույլտվության քանդում կամ ապամոնտաժում իրականացնելու, ինքնակամ կառուցի կասեցման դեպքում շենքեր և շինություններ ինքնակամ կառուցելը շարունակելու, ինչպես նաև կառուցապատումը համապատասխան քաղաքաշինական գործունեության համար սահմանված քաղաքաշինական նորմերով նախատեսված ժամկետներում չավարտելու համար:

Հիմնավորման մեջ նշվում է, որ այս իրավախախտումները Հայաստանի Հանրապետությունում դեռևս խիստ մեծ թիվ են կազմում: Ավելին, բազմաթիվ են դեպքերը, երբ նշված իրավախախտումները կատարելուց և վարչական տույժի ենթարկվելուց հետո համապատասխան սուբյեկտները շարունակում են վարչական իրավախախտում համարվող արարքների կատարումը, մի շարք դեպքերում վարչական իրավախախտում համարվող արարքները շարունակվում են նույնիսկ երկրորդ անգամ տույժի ենթարկվելուց հետո:

Նշված իրավիճակը, ի թիվս այլևի, հետևանք է նաև այն բանի, որ քննարկվող իրավախախտումների համար սահմանված վարչական տույժերն անհամարժեք են դրանց հանրային վտանգավորությանը:

Արդյունքում առաջանում է այնպիսի իրավիճակ, երբ համապատասխան սուբյեկտի կողմից այս խումբ իրավախախտումները կատարելու հետևանքով վեր-



ջինիս նկատմամբ նշանակվող տույժերը հաճախ էականորեն ավելի պակաս են այդ իրավախախտումների կատարման կամ շարունակման պայմաններում վերջիններիս կողմից ստացվող եկամուտներից, ինչպիսի պայմաններում քաղաքացիների ու իրավաբանական անձանց համար հաճախ վարչական իրավախախտում կատարելը, դրա համար նշանակված վարչական տույժը վճարելը, նույնիսկ խախտման համար երկրորդ անգամ տույժի ենթարկվելը ավելի «շահավետ» են լինում, քան իրավախախտում կատարելուց խուսափելը և քաղաքաշինական համապատասխան նորմերի պահպանումը: Այսպիսով, սեփականության կամ հոգստագործման իրավունք ունեցող անձի կողմից այդ հողամասի վրա, ինչպես նաև անհատական բնակելի տներում կամ ստորաբաժանված կամ բազմաբնակարան շենքերում կամ շենքերին

կից, օրենքով են այլ իրավական ակտերով սահմանված կարգով այդ նպատակի համար չհատկացված հողամասում կամ առանց թույլտվության կամ թույլտվությամբ սահմանված պայմանների կամ քաղաքաշինական նորմերի ու կանոնների էական խախտումներով շենք, շինություն կամ այլ կառույց կառուցելը կամ վերակառուցելը կամ տեղադրելը կամ առանց թույլտվության շինարարություն կամ տեղադրման թույլտվություն պահանջող շինարարական աշխատանքներ կամ առանց թույլտվության քանդում կամ ապամոնտաժում իրականացնելը առաջացնում է տուգանքի նշանակում սահմանված նվազագույն աշխատավարձի յոթապիստանգանակից հազարից ավելի չափով: Մինչ այդ գործում էր հինգապիստանգանակից հազարապատիկի չափով տուգանքը:

ՆԱԻՐԱ ՀՈՎԿԱՆՆԻՍՅԱՆ

ՀԱՎԱԶՂԵԼՈՒ ՄԻՋԱՍՏՈՒԹՅԱՆԸ

ԲՐԻՏԱՆԻԱՆ ԿՐԱՏԿԱՑՆԻ 12,6 ՄԼՆ ԴՈՒՆԱՐ

Մեծ Բրիտանիայի կառավարությունը ֆինանսական օգնություն կհրամարդի Մոլդովային և Վրաստանին՝ երկու երկրների գործերին Ռուսաստանի ենթադրյալ միջամտությանը հակադրելու նպատակով:

Միացյալ Թագավորության արտաքին գործերի նախարարության տարածած հաղորդագրության մեջ նշվում է, որ գերատեսչության ղեկավար Ջեյմս Զլեյերլին այս մասին պաշտոնապես կհայտարարի մարտի 16-ին և 17-ին Քիշնև և Թբիլիսի կատարելիք այցերի ընթացքում: Ըստ Մեծ Բրիտանիայի ԱԳՆ-ի՝ ֆինանսավորումը պետք է օգնի երկրներին՝ դիմակայելու Ռուսաստանի «ջարամիտ ազդեցությանը»:

«Միացյալ Թագավորությունը պասիվ չի հետևի, թե ինչպես է Մոսկվան կոպտորեն խարխուլում նրանց ժողովրդավարությունը, ինքնիշխանությունն ու տարածքային ամբողջականությունը», - ասել է Զլեյերլին այցից առաջ: Մոլդովան կստանա լրացուցիչ 10 միլիոն

ֆունտ ստեռլինգ (ավելի քան 12 միլիոն դոլար) պետական կառավարման բարեկարգման և տնտեսական վերափոխումների համար, այդ թվում՝ էներգետիկայի ոլորտում:

Իսկ Վրաստանը կստանա «նոր ֆինանսավորում հաջորդ տարվա ընտրությունների անվտանգությունն ուժեղացնելու համար»: Լոնդոնը 500 հազար ֆունտ ստեռլինգ (600 հազար դոլար) կտրամադրի Վրաստանին՝ 2024 թվականին նախագահի «ազատ և արդար ընտրություններ» ապահովելու և այդ գործընթացն արտաքին միջամտությունից պաշտպանելու համար: Բրիտանիայի արտաքին քաղաքական գերատեսչությունում հիշեցրել են, որ երկիրն ավելի վաղ 12 մլն ֆունտ (14,5 մլն դոլար) էր հատկացրել Մոլդովայում կոռուպցիայի դեմ պայքարի համար:

Եվս 10 միլիոն ֆունտ (12 միլիոն դոլար) ուղարկվել է ՄԱԿ-ի գծով՝ հանրապետությունում ուկրաինացի փախստականներին օգնություն ցույց տալու նպատակով: Փետրվարին Մոլդովայի

նախագահ Մայա Սանդուն հայտարարել էր երկրում իրավիճակի ապակայունացման վտանգի մասին և խորհրդարանին կոչ արել լրացուցիչ լիազորություններ տրամադրել հատուկ ծառայություններին: Նրա խոսքով՝ հանրապետության պետական իշխանությունները հաստատել են Ուկրաինայի նախագահ Վլադիմիր Զելենսկիի տեղեկատվությունը Մոլդովայի ներքաղաքական իրավիճակին Ռուսաստանի միջամտության ենթադրյալ ծրագրերի մասին:

Իր հերթին TACC-ը հիշեցնում է, որ փետրվարի 14-ին ՌԴ ԱԳՆ պաշտոնական ներկայացուցիչ Մարիա Զախարովան ընդգծել էր, որ Քիշնևի հայտարարությունները՝ «Մոլդովայում իրավիճակն ապակայունացնելու Ռուսաստանի ծրագրի» մասին, ապացուցելի չեն: Նրա խոսքով՝ ակնհայտ է, որ Կիևի կողմից նման ապատեղեկատվություն տարածելու իրական նպատակը «Քիշնևին Ռուսաստանի հետ կոշտ առճակատման մեջ ներքաշելն է»:

● Անցած 1 օրվա ընթացքում Հայաստանի Հանրապետությունում արձանագրվել է 14 ճՏՊ. 1 մարդ զոհվել է, 21-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

148 ՀԵԿՏԱՐ ՀՈՂԱՄԱՍ

ՎԱՐՉԱԿԱՆՈՒԹՅՈՒՆ՝ ԱՌԱՆՑ

ՄԲՑՈՒՅԹԻ

Կառավարությունն իր մարտի 16-ի նիստում համաձայնություն տվեց Սյունիքի մարզի Մեղրիի համայնքի Նռնաձոր բնակավայրում գտնվող հողամասն առանց մրցույթի վարձակալության իրավունքով տրամադրել «Նռնաձոր» գյուղատնտեսական կոոպերատիվին:

Որոշման հիմնավորման մեջ նշվում է, որ Նռնաձոր գյուղում գտնվող ընդհանուր 147,918 հեկտար մակերեսով հատուկ նշանակության հողատարածքը նախկին հողօգտագործողի (ԱՆ քրեակատարողական ծառայություն) կողմից օգտագործվել է գյուղատնտեսական աշխատանքներ իրականացնելու համար: Հաշվի առնելով, որ պետական սեփականություն հանդիսացող հողամասերի (բացառությամբ շենքերով և շինություններով զբաղեցված և դրանց սպասարկման համար հատկացված հողամասերի) վրա չի տարածվում «Պետական գույքի կառավարման մասին» Հայաստանի Հանրապետության օրենքի դրույթները, ուստի անհրաժեշտություն է առաջանում վերը նշված հողատարածքի հետագա արդյունավետ տնօրինման, տիրապետման և օգտագործման լիազորությունները իրականացվի Սյունիքի մարզի Մեղրիի համայնքի ղեկավարի միջոցով:

Հայաստանի Հանրապետության Սյունիքի մարզպետը, հաշվի առնելով հողատարածքի տեղադիրքը և սահմանապահ Նռնաձոր բնակավայրի բնակիչների կողմից ստեղծված «Նռնաձոր» գյուղատնտեսական կոոպերատիվի խնդրանքը, միջնորդել է ՀՀ կառավարությանը պտղատու այգիների հիմնման նպատակով, առանց մրցույթի, անշարժ գույքի հարկին հավասարեցված տարեկան վարձավճարով հողատարածքը վարձակալության իրավունքով տրամադրել «Նռնաձոր» գյուղատնտեսական կոոպերատիվին:

Նշենք, որ «Նռնաձոր» գյուղատնտեսական կոոպերատիվը ստեղծվել է Նռնաձոր բնակավայրի բնակիչների կողմից, որի անդամները հանդիսանում են բացառապես սահմանապահ Նռնաձոր գյուղում մշտական բնակություն հաստատած և այգեգործությամբ զբաղվելու ցանկություն հայտնած բնակիչները:

Ըստ այդմ պետական սեփականություն հանդիսացող հողատարածքը գյուղատնտեսական գործունեությունը ծավալելու նպատակով կօգտագործեն սահմանային գոտում բնակություն հաստատող բնակիչները, ինչի արդյունքում մասամբ կբարելավվի նրանց սոցիալական վիճակը, լրացուցիչ հետաքրքրություն կառաջացնի բնակավայրը չլքելու և լրացուցիչ խթան՝ սահմանը կայուն պահելու համար: Նախագիծը մշակվել է Սյունիքի մարզպետի կողմից:

ՓՈՓՈԽՈՒԹՅՈՒՆ

ԻՆՉՊԵՍ ԿՄԱՐՄԱՆՎԻ ՆՈՐ ԾՆՎԱԾ ԵՐԵԽԱՅԻ ԿԱՐԳԱԹԻՎԸ

Աշխատանքի և սոցիալական հարցերի նախարարությունը հանրային ֆինանսման է ներկայացրել «Հայաստանի Հանրապետության կառավարության 2014 թվականի մարտի 6 ի N 275-Ն որոշման մեջ լրացումներ և փոփոխություններ կատարելու մասին» ՀՀ կառավարության որոշման նախագիծ, որով առաջարկվում է սահմանել, որ նոր ծնված երեխայի կարգաթիվը որոշելիս հաշվի կառնվեն նաև նոր ծնված երեխայի ծնողներից (հորից և մորից) սերված՝ մինչև նոր ծնված երեխայի ծննդյան օրը մահացած երեխաները և զավակները, բացառությամբ այն դեպքերի, երբ նրանք մահացել են դեղատոմսով:



Ներկայացվող նախագիծով առաջարկվում է նոր ծնված երեխայի համահայր կամ համամայր քույրերն ու եղբայրները նրա կարգաթիվը որոշելիս հաշվի կառնվեն, եթե՝

1. դատարանի վճռով երեխայի մյուս ծնողը (ով չի հանդիսանում նոր ծնված երեխայի ծնողը) գրկված է ծնողական իրավունքից կամ
2. առկա է զավակի՝ նոտարական ակտով հաստատված հայտարարությունն այն մասին, որ անչափահաս տարիքում իր փաստացի խնամքն ու դաստիարակությունն իրականացրել է նոր ծնված երեխայի ծնողը կամ
3. նոր ծնված երեխայի ծննդյան օրվա դրությամբ հաշվառված են նոր ծնված երեխայի բնակության (հաշվառման) վայրի հասցեով:

Բացի այդ, նախագիծով առաջարկվում է սահմանել, որ նոր ծնված երեխայի կարգաթիվը որոշելիս հաշվի կառնվեն նաև նոր ծնված երեխայի ծնողներից (հորից և մորից) սերված՝ մինչև նոր ծնված երեխայի ծննդյան օրը մահացած երեխաները և զավակները, բացառությամբ այն դեպքերի, երբ նրանք մահացել են պերինատալ շրջանում: Ընդ որում, այս դեպքում, եթե արդեն նշանակվել է երեխայի ծննդյան միանվագ նպաստ՝ կարգաթիվը որոշելիս առանց հաշվի առնելու մինչև նոր ծնված երեխայի ծննդյան օրը մահացած նրա քրոջը կամ եղբորը (բացառությամբ այն դեպքերի, երբ նրանք մահացել են պերինատալ

շրջանում), ապա նշանակված նպաստի չափը վերահաշվարկվելու է սույն որոշումն ուժի մեջ մտնելուց հետո՝ 6 ամսվա ընթացքում կրկին դիմելու դեպքում: Այս կարգավորումը նախատեսվում է տարածել այն դեպքերի վրա, երբ երեխան ծնվել է 2022 թվականի հունվարի 1-ին կամ դրանից հետո: Այս ժամկետն առաջարկվում է սահմանել՝ հաշվի առնելով այն հանգամանքը, որ օրենքի գործող նորմի կիրառմամբ երեխայի ծննդյան օրվան նախորդող 3 տարին 44-օրյա պատերազմում զոհված ընտանիքների համար գործնականում կիրառելի չէ (զոհված զինծառայողների ծնողները պետական այլ ծրագրերի շրջանակներում 2022 թվականի ընթացքում են սկսել բարձր տեխնոլոգիաների կիրառմամբ միջոցներ ձեռնարկել իրենց ընտանիքների կազմը համալրելու համար):

Նախագծի հիմնավորման համաձայն՝ ՀՀ կառավարության 2014 թվականի մարտի 6-ի N 275-Ն որոշման N 1 հավելվածի 8-րդ կետի 2-րդ ենթակետով սահմանված են այն դեպքերը, երբ նոր ծնված երեխայի ծնողից (հորից կամ մորից) սերված երեխաները և զավակները (նոր ծնված երեխայի համահայր կամ համամայր քույրերն ու եղբայրները) հաշվի են առնվում նոր ծնված երեխայի կարգաթիվը որոշելիս:

Հարկ է նկատի ունենալ, որ գործող կարգավորումներով նոր ծնված երեխայի համահայր կամ համամայր քույրերն ու եղբայրները հաշվի են առնվում, եթե՝

ա. դատարանի վճռով կամ ծնողի (ով չի հանդիսանում նոր ծնված երեխայի ծնողը) գրավոր համաձայնությամբ այդ երեխայի բնակության վայր է սահմանվել նոր ծնված երեխայի ծնողի բնակության վայրը,

բ. դատարանի կարգով հաստատված է այն փաստը, որ այդ երեխայի փաստացի խնամքն ու դաստիարակությունն իրականացնում է կամ այդ զավակի փաստացի խնամքն ու դաստիարակությունն անչափահաս տարիքում իրականացրել է նոր ծնված երեխայի ծնողը,

գ. նոր ծնված երեխայի ծնողը այդ երեխայի համար ստանում է ալիմենտ,

դ. նոտարական ակտով հաստատված է այդ երեխայի՝ նոր ծնված երեխայի ծնողի խնամքի տակ լինելու փաստը,

ե. նրանց մյուս ծնողը մինչև նոր ծնված երեխայի ծննդյան օրը մահացել կամ օրենքով սահմանված կարգով ճանաչվել է մահացած կամ անհայտ բացակայող կամ դատական կարգով ճանաչվել է անգործունակ,

զ. Քաղաքացիական կացության ակտերի գրանցման մարմնից ստացված տեղեկատվության համաձայն՝ այդ համամայր երեխայի (երեխաների) ծննդյան ակտի գրառման մեջ հոր մասին տեղեկությունը լրացվել է մոր գրավոր հայտարարության հիման վրա, կամ հոր մասին տեղեկությունը չի լրացվել (եթե նպաստը նշանակվելու է նոր ծնված երեխայի մորը),

է. ծնողի (ով չի հանդիսանում նոր ծնված երեխայի ծնողը) գրավոր համաձայնությամբ այդ երեխայի խնամքն ու դաստիարակությունն իրականացնում է նոր ծնված երեխայի ծնողը,

ը. այդ երեխայի (նոր ծնված երեխայի համահայր կամ համամայր քույր կամ եղբայր) ծնողները ամուսնալուծվել են նրա չափահաս դառնալուց հետո:

Այս տեսակետից հարկ է նկատի ունենալ, որ գործնականում տարբեր ամուսնությունից ծնված երեխաների դեպքում շատ հազվադեպ է հանդիպում, երբ դատարանի որոշմամբ է որոշված լինում նրանց բնակության վայրը: Հիմնականում այս դեպքերում երեխաները հաշվառված են լինում նոր ծնված երեխայի հասցեով:

Ըստ այդմ, անհրաժեշտություն է առաջացել այս տեսակետից վերանայել կարգաթիվը որոշելու պայմանները:

ԲԺՇԿԱԿԱՆ ԶՆՆՈՒԹՅՈՒՆ

ՆՆԱՐԱՎՈՐՈՒԹՅՈՒՆ՝ ԳՈՐԾՈՂ ԴԱՏԱՎՈՐՆԵՐԻ ՀԱՄԱՐ

Կառավարությունն իր մարտի 16-ի նիստում հավանություն սվեց «Հայաստանի Հանրապետության դատական օրենսգրքի» սահմանադրական օրենքում փոփոխություններ և լրացում կատարելու մասին» սահմանադրական օրենքի նախագիծին:

Որոշման հիմնավորման մեջ նշվում է, որ ներկայում «Հայաստանի Հանրապետության դատական օրենսգրքը» սահմանադրական օրենքը անդրադարձ չի կատարում նշանակված դատավորների բժշկական զննության իրականացման կարգին, որպիսի պայմաններում գործնականում դժվարություններ են առաջանում գործընթացը կազմակերպելու հարցում:

Բացի այդ, բացակայում է դատավորի (դատավորի թեկնածուի հավակնորդի), դատավորի թեկնածուի բժշկական զննու-

թյան իրականացման կարգը սահմանելու լիազորությունը: Կատարվող լրացումների շրջանակում նաև օրենսդրական հիմք կատարվի լիազոր մարմնի կողմից համապատասխան կարգի ընդունման համար:

Օրենսգրքի 113-րդ հոդվածի 4-րդ մասը, ինչպես նաև 159-րդ հոդվածի 3-րդ մասը բժշկական զննության կազմակերպման գործընթացում նախատեսում են իրավասու մարմնի, այն է՝ Առողջապահության նախարարության ներգրավում: Նշված պայմաններում Առողջապահության նախարարության գործառնությունը սահմանափակվում է դիմումը համապատասխան բժշկական կազմակերպությանը փոխանցելով: Գործընթացն առավել արագ կազմակերպելու և անհարկի միջնորդավորվածությունից խուսափելու նպատակով նախատեսվում է Բարձրագույն դատական խորհրդի նախագահի

կողմից դիմումի ներկայացում անմիջապես համապատասխան բժշկական հաստատությանը:

Կատարվող փոփոխությունների և լրացումների շրջանակում ֆիզիկական արատների և հիվանդությունների ցանկը կիրառելի է դառնում նաև պաշտոնավարող դատավորների համար, ինչպես նաև վերջիններիս համար նախատեսվում է բժշկական զննության իրականացման հնարավորություն:

Նախագծի ընդունմամբ բժշկական զննության իրականացման նպատակով դիմումները ներկայացվելու են անմիջապես նրան համապատասխան բժշկական հաստատությանը:

Նախագծի ընդունմամբ նախատեսվում է ապահովել բժշկական զննության իրականացումը նաև պաշտոնավարող դատավորների համար:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



Էջը՝ ՌՈՋԱ ՊՈՂՈՍՅԱՆԻ

ՎԱՐԿԱՅԻՆ

ՀԱՐՑ. Իրավունք ունի՞ր՞ գրավառուն (բանկ, վարկային կազմակերպություն, գրավառուն) առանց դաժանաբանի սեղանի դահեղու (ծանուցելու) վաճառել գրավ դրված գույքը:
Կարինե Մինասյան (31 տարեկան)



ՊԱՍՏԻՍԱՆ. Քաղաքացու հարցին ի պատասխան՝ տեղեկացնում ենք, որ չի կարող: Եթե գրավի պայմանագրով կամ գրավառուի եւ գրավատուի միջեւ կնքված գրավոր համաձայնությամբ առկա է դրույթ՝ առանց դատարանի վճռի գրավ դրված գույքի իրացման մասին, ապա գրավառուն պարտապահի կողմից գրավով ապահովված պարտավորությունը չկատարելու կամ ոչ պատշաճ կատարելու դեպքում պարտավոր է գրավոր՝ պատշաճ ձեռով ծանուցել պարտապահին առանց դատարանի դիմելու գրավի առարկայի բռնագանձման մասին (բռնագանձման ծանուցում)՝ համաձայն Հայաստանի Հանրապետության քաղաքացիական օրենսգրքի 249 հոդվածի 2-րդ մասի:

Միաժամանակ հայտնում ենք, որ նույն հոդվածը սահմանում է նաեւ, որ բռնագանձման ծանուցումը պարտապահին հանձնելուց երկու ամիս հետո գրավառուն իրավունք ունի իրացնելու գրավի առարկան: Վերոնշյալ համաձայնության բացակայության դեպքում գրավ դրված գույքի հաշվին գրավառուի (պարտատիրոջ) պահանջները բավարարվում են դատարանի վճռով:

Այսպիսով, ֆինանսական կազմակերպությունը պետք է պարտապահին գրավոր ծանուցի գրավադրված գույքի իրացման վերաբերյալ, որից երկու ամիս հետո միայն կարող է իրացնել գույքը:
Ֆինանսական համակարգի հաշտարարի գրասենյակ

«ԺՈՂՈՎՈՐԳ». Տեղեկացնում ենք, որ եթե կողմերի միջեւ կնքված պայմանագրով սահմանված է տույժի վճարման չափ եւ կարգ, ապա ֆինանսական կազմակերպությունն իրավասու է կիրառել դրանք մինչեւ պարտավորությունների ամբողջական մարումը:

ՍՈՑԻԱԼԱԿԱՆ

ՀԱՐՑ. Ուզում եմ իմանալ՝ ինչ կարգով է կատարվում Հայրենական մեծ դաժանագրի վեճերանների ավանդների փոխհատուցում սահմալու իրավունք ունեցող անձանց հաշվառումը:
Ղևել Սահակյան (68 տարեկան)



ՊԱՍՏԻՍԱՆ. Փոխհատուցում ստանալու համար Հայրենական մեծ պատերազմի վետերանը հաշվառման նպատակով իր փաստացի բնակության վայրի սոցիալական ծառայություններ տրամադրող տարածքային մարմին (Փարոս) անձամբ կամ լիազորագրի հիման վրա գործող ներկայացուցչի միջոցով ներկայացնում է սահմանված ձեւի դիմում եւ հաշվառման համար անհրաժեշտ փաստաթղթեր:

Հայրենական մեծ պատերազմի վետերանի պահանջով սոցիալական ծառայություններ տրամադրող տարածքային մարմինը հաշվառումը կարող է իրականացնել վետերանի բնակության վայրում կազմակերպելով տնային այցելություն (ներառում է այցելություն բուժման վայր):
ՀՀ աշխատանքի եւ սոցիալական հարցերի նախարարություն

«ԺՈՂՈՎՈՐԳ». Հայրենական մեծ պատերազմի վետերանների ավանդների փոխհատուցումը վճարվում է Հայփոստի բաժանմունքի սպասարկող անձի կողմից տուն առաքելու միջոցով:

ԼՈՒՐ ԿԱԴՐ

Լուսանկարը՝ համացանցից



Հայաստանը մարտի 15-ին ներկայացրեց այն երգը, որով մեր այս տարվա ներկայացուցիչը՝ Բրյունետտը, ելույթ է ունենալու Լիվերպուլում: Եվրատեսիլյան պաշտոնական ալիքում տեղադրվելուց մեկ ժամ անց Future Lover-ն արդեն ուներ հարյուր հազարավոր դիտումներ: Այս պահին Բրյունետտի տեսահոլովակը մրցույթի ալիքում ունի ավելի քան 440 հազար դիտում ու 4000-ից ավել մեկնաբանություն: Հատկանշական է, որ Եվրոպացի երկրագունները հավանել են Հայաստանի երգը. նրանք թողել են դրական մեկնաբանություններ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for home delivery. Includes contact info: (060) 490049, 0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 16.03.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: